

中國古代版畫叢刊

第五函 函三冊



列仙全傳序



濟南李攀龍撰



嘗觀魏文帝典論有云年壽有時而盡榮樂止乎其身二者必至之常期未若文章之無窮味斯言也豈非念吾生之匪易不應偕草

木而齋彫假文辭以寄聲將與天地而同永哉是誠高論何謂狂談然要之終為虛名而已於吾身何益也張季鷹曰使我有身後名不如生前一杯酒陶淵明之曰吁嗟身後名於我若浮煙夫二子者

列仙全傳序

豈不以身既不存名將焉用多神已沒令譽安知暢哉斯言抑又達矣若迺等而上之俾形神永合則身名俱存不有神仙之學乎哉道遠方圃屢看東海揚塵嘯傲丹丘幾見桃花結實是故老若三皇

教主應隋唐而猶現赤松炎帝兩師逮秦漢而還存東方曼倩三竊瑤池之桃純陽呂祖每醉岳陽之酒黃安負龜于武帝張果辯庶于明皇之數夫者或萬年或數千年或數百年皆棲神碧落遊化

人間無藉文章而顯不做聲聞而  
存良生人之要道不朽之鴻圖哉  
是以高人逸客因不慕其休風智  
士名賢咸思步其芳躅等珠玉於  
瓦礫以軒冕為拱龍故軒皇龍  
遊視萬乘若一毛王子鳳升棄儲

宮猶救屣至如匡裕結茅於廬山  
安期賣藥於海上黃初平牧羊於  
金華丁令威化雀於遼水潭景  
升辟穀於嵩山陳圖南服氣於華  
嶽一朝有悟輒飄然長往而不返  
者良有以也善乎方城宗子有曰

人世有二樂上焉者乘青雲昇紫  
霞而次則宏肆麗句照耀今古  
名並日月萬世莫得而掩焉殆無  
三子而有之哉龍鳳亭辭林慨  
碧紗之空北晚耽玄理冥石髓  
之倘逢習靜山中澹然無事曰念

劉向陶弘景二神仙傳所載僅漢  
晉以上而六朝逮今闕焉讀者少  
之迺搜羣書并二傳舊所載者  
共得四百九十七人合而梓之名曰列  
仙全傳雖乏江淹之彩毫無能  
增輝闕苑庶幾裴航之玉杵預將

通贊瀛洲他日乘雲瓊島邀白  
傳以論詩跨霍瑤天覓青蓮而醉  
月一喚相逢固非未同而言客也

新都汪雲鵬書



黃一木鐫



有象列仙全傳目錄

第一卷

老子	木公	西王母	太真王夫人
東王公	上元夫人	赤松子	炎帝少女 <small>附</small>
容成公	廣成子	黃帝	窈窕子
赤將子輿	洪厓先生	馬師皇	王倪
何侯	帝舜 <small>附</small>	偃佺	宓丘先生
姜若春 <small>附</small>	鐵拐先生	務光	孟岐
巨裕	彭祖錢鏗	青鳥公	呂尚
范蠡	劉越	巨續	葛由
蔡瓊	彭宗	馮長	王子喬

第二卷

沈羲	賈氏 <small>附</small>	周亮	涓子
亢倉子	琴高	寇先	馬丹
王偉玄	韓崇 <small>附</small>	負局先生	列子
莊子	尹喜	尹軌	
丁令威	李八百	明香真人	折象
宋倫	王子	太陽子	太陽女
絕洞子 <small>附</small>	太陰女	太玄女	墨子
浮丘伯	祝雞翁	皇太姥	古丈夫
毛女	徐福	孔丘明	駱法通 <small>附</small>
黃石公	控鶴仙人	鬼谷子	馬成子

茅濛

魏真君

蕭史

弄玉附

劉海蟾

盧侯二仙

蔡女仙

白石生

涉正

杜宇

安期生

朱仲

清平吉

劉京

武夷君

茅盈

茅固附

茅衷附

屈處靜

魯妙典

脩羊公

鮑叔陽

司馬季主

巫炎

朱璜

阮丘附

劉安

八公附

尹澄

緱仙姑

金申

王真

李根

蘇耽

東方朔

稷丘君

李少君

衛叔卿

衛度世

許由

巢父附

王興

黃安

車子侯

郭瓊

太山老父

拳夫人

魯生女

程偉妻

壽光侯

史通平

馬明生

丁義

丁秀英附

莊君平

薊子訓

焦先

唐公昉

靈壽光

南陽公主

陰長生

第三卷

王褒	王仲都	樂巴	徐登
陵陽子明	張惠明	雞窠小兒	瞿武
上成公	范幼冲	毛伯道	劉道恭 <small>附</small>
謝稚堅 <small>附</small>	張兆期 <small>附</small>	方回	陳未伯
陳增族 <small>附</small>	趙丙	董仲	陳安世

莊伯微	東郭延	華子期	蘇林
仇先生 <small>附</small>	江妃二女	劉根	谷春
梅福	龍述	姚光	魏伯陽
虞生 <small>附</small>	王老	張道陵	雍夫人 <small>附</small>
王長 <small>附</small>	趙昇 <small>附</small>	劉晨	阮肇
沈文泰	李文淵 <small>附</small>	王喬	蕭綦
王遠	蔡經	麻姑 <small>附</small>	子英
于吉	宮嵩	董奉	封衡
介象	鍾離簡	鍾離權	劉諷
介琰	李阿	朱孺子	王玄真 <small>附</small>
左慈	張魯	王梵志	

第四卷

呂恭	黃初平	黃初起 <small>附</small>	羅真人
賀元	蘭公	諶姆	費長房
壺公 <small>附</small>	嚴青	藍采和	沈建
耆域	王質	蓬球	葛玄
屈氏二女 <small>附</small>	梁諶	曹仙媪	鮑靚
孫登	王烈	嵇康	吳猛
衍客	吳彩鸞	文簫 <small>附</small>	許遜
陳勳 <small>附</small>	時和 <small>附</small>	周廣 <small>附</small>	魯亨 <small>附</small>
施岑 <small>附</small>	甘戟	肝烈	許遜姊 <small>附</small>
黃仁覽	黃萬石 <small>附</small>	許遜女 <small>附</small>	潘茂名

第五卷

彭抗	郭璞	許毛	王道真
鄭思遠	許邁	許穆	許羽 <small>附</small>
葛洪	鮑姑 <small>附</small>	張元化	黃野人
晉麻姑			
劉綱	樊夫人 <small>附</small>	東陵聖母	張昭成
孟欽	范豹	交阯道士	王玄甫
鄧伯元 <small>附</small>	謝仲初	馬儉	王嘉
扈謙	文斤	麻衣子	鄧去奢
韓越	孫博	孫遊岳	陶弘景
桓闓	寇謙之	成功興 <small>附</small>	韋節

鹿皮翁	王知遠	張岳	萬振
鄧郁	羅郁	韋昉	魯文迪
徐則	蕭子雲	楊羲	白鶴道人
王延	李順興	孫思邈	黃子陽
趙真人	潛翁	岑道願	崔之道
瞿夫人	張果	葉法善	崔子王
苗龍	羅通微	匡智	匡大郎 <small>附</small>
明崇儼	王旻	蘭冲虛	韋善俊
僕僕先生	應夷節	王帽仙	王遙
司馬承禎	焦靜真 <small>附</small>	饒廷直	班孟
鄔通微	黃萃姑		

第六卷

許宣平	許明恕	附 聶師道	傅先生
王可交	李釜	驪山老姥	附 李白
白居易	附 李長者	商棲霞	懶殘
湘中老人	邢和璞	吳道元	羅公遠
羅子房	申泰芝	薛昌	薛季昌
徐佐卿	武攸緒	裴玄靜	帛和
張盪	邊洞玄	趙惠宗	顏真卿
鳳綱	黃升	附 蔡道人	王昌遇
張落魄	附 何仙姑	呂巖	張志和
李賀	韓湘子	瑕丘仲	江叟

第七卷

許栖岩	俞靈瓚	伊祁玄解	王四郎
李珣	柳實	元徹	權同
盧山人	威逍遙	唐居士	
裴航	雲英	附 軒轅集	劉元靖
錢朗	鄭全福	羊愔	侯道華
廖師	劉德本	劉瞻	黃洞源
瞿栢廷	閻丘方遠	譚峭	何令通
馬大仙	何氏九仙	甘大將	赤肚子
汪台符	麻衣仙姑	爾朱洞	二漁人
陳搏	劉玄英	譚紫霄	景知常

第八卷

蘇澄隱	劉女	劉希岳	馬湘
張九哥	甘始	王鼎	賀蘭
曹國舅	侯先生	曾志靜	陳易
陳太初	張伯端	劉斗子	石泰
趙吉	徐問真	黃希且	徐熙春
申屠有涯	朱有	陳仁嬌	邵琥
雷隱翁	林靈素	李鼻涕	吹角老兵
張俞	莎衣道人	王文卿	陶道人
王畫龍	附 李思廣	羅晏	張虛白
魏二翁	羅昇	劉益	武元照
孫賣魚	梅志仙	范子珉	

第八卷

武志士	陸守堅	憑觀國	王嘉
宋耕	孔元	石坦	馬鉅
孫仙姑	上官道人	呂道章	譚處端
劉處玄	徐彎	丘處機	唐廣真
陳楠	訾亘	葛長庚	彭耜
朱橘	鞠君子	附 郝大通	賣薑翁
李志方	王處一	李靈陽	顏筆仙
郭志空	宋有道	李雙王	盧六
李賤子	張留孫	吳全節	黃公望
張仙姑	張模	趙友欽	周史卿

張拱 洪志 李爰 洞真子  
岳真人 景素陽 莫月鼎 張三丰  
劉道秀 張中 周顛仙 公謙  
周玄初 任風子 裴仙 沈野雲  
海上老人

第九卷 補遺

姮娥 吳剛 長庚公子 張天翁  
馮延壽 宋來子 王中倫 王次仲  
張麗英 王暉 翟天師 灰袋  
敖仙 王蔡 魏存華 單道開  
祁嘉 黃道真 蕭防 宋玄白

張遠霄 費孝先 張道清 二張仙翁  
張先生 楊權 裴老人 張秉  
田志亨 吳守一 程守善 吉志通  
王當陽 張得一 梁野人 鄧牧  
張金箔 無名道 董伯華 周思得

列仙全傳目錄

陸法和 神和子 錢妙真 劉珍  
潘師正 謝自然 胡惠起 鄧紫陽  
殷七七 李昇 費文禕 杜光庭  
劉無名 葉千韶 山圖 晏仙人  
楊昭慶 柴通玄 丁少微 趙自然  
張無夢 徐道士 抱一道士 石仲元  
林遇賢 郭上竈 甄棲真 管歸真  
魚肉道人 藍喬 趙棠 劉混康  
侯谷神 楊父 崔自然 陳葆光  
韋恕女 劉野父 許碯 蘇舜卿  
沈鱗 牟羅漢 劉遁 李常在

Blank table structure for the bottom-left section.



有象列仙全傳卷之一

吳郡 王世貞輯次

新都 汪雲鵬校梓

老子者太上老君也。混元圖云。初三皇時。化身號為萬法天師。中二皇時。為盤古先生。伏羲時。為籙華子。女媧氏時。為籙密子。神農時。為大成子。軒轅時。為廣成子。少皞時。為隨應子。顓帝時。為赤精子。帝嚳時。為錄圖子。堯時。為務成子。舜時。為尹壽子。禹時。為真行子。湯時。為錫則子。老君雖累世化身。而未有誕生之迹。迨商陽甲時。分神化氣。始寄胎玄妙。王女八十一。暨武丁庚辰二月十五日卯時。降誕於楚之苦縣瀨鄉曲仁里。從母左腋

而生於李樹下。指樹曰。此吾姓也。生時白首。面黃白色。額有參牛。達理。日月角懸。長耳。矩目。鼻純骨。雙柱。耳有三漏門。美鬚廣額。踈齒方口。足踏三五手。把十文。姓李名耳。字伯陽。號曰老子。又號曰老聃。周文王為西伯。召為守藏史。武王時。遷為柱下史。成王時。仍為柱下史。乃遊西極。大秦。竺乾等國。號古先生。化導其國。康王時。還歸于周。復為柱下史。昭王時。去官歸亳。隱焉。後復欲開化西域。乃以昭王二十二年。駕青牛車。過函谷關。度關令尹喜知之。求得其道。二十五年。降於蜀青羊肆。會尹喜同度流沙胡域。至穆王時。復還中夏。平王時。復出關。開化蘇隣諸國。復還中國。敬王十七年。孔子問道於老

聃退。而有猶龍之嘆。烈王三年。過秦。秦獻公問以歷數。遂出散關。赧王九年。復出散關。飛昇崑崙。秦時。降峽河之濱。號河上公。授道安期生。漢文帝時。號廣成子。文帝好老子之旨。遣使詔問之。公曰。道尊德貴。非可遙問。帝即命駕詣之。帝曰。普天之下。莫非王土。率土之濱。莫非王臣。域中有四大。王居一也。子雖有道。猶朕民也。不能屈。何乃高乎。朕足使貧賤富貴。須臾。公乃拊掌坐。躍。冉冉在虛空中。如雲之昇。去地百餘丈。而止於玄虛。良久。俛而答曰。今上不至天。中不類人。下不居地。何民之有。陛下焉能令富貴貧賤乎。帝乃悟。知是神人。方下輦。稽首禮謝。授帝道德二經。成帝時。降曲陽泉。授于吉。太平

真經。章帝時。授于吉。一百八十大戒。安帝時。降授劉圖。罪福新科。順帝時。降。授天師三洞經錄。桓帝時。降天台。授葛孝先。上清靈寶大洞諸經。魏明帝時。降嵩山。授天師寇謙之。新科符錄。唐高祖時。降羊角山。語吉善行。唐公受命符。玄宗天寶初。降丹鳳門。帝親享之。興慶宮。隨又降。語田同秀。以函谷所藏金匱靈符。又降。語王元真。妙真符。宋政和二年。降華陽洞天。授梁先生。加句天童。護命經。蓋無世不出。先塵劫而行化。後無極而常在。隱顯莫測。變化無窮。普度天人。良不可以具述者矣。史云。老子西昇之時。五色光貫紫微。昭王令太史占之。云。嘗有聖人西去千年之外。聲教返北。此西化之兆也。自昭

王甲寅至漢永平。果千年焉。續博物志云。唐高祖武德三年。晉州人吉善行。於羊角山見白衣父老。呼善行曰。為吾語唐天子。吾為老君。即其祖也。高祖因立廟。高宗追尊玄元皇帝。明皇為註道德真經。兩京及諸州各置玄元皇帝廟。京師號玄元宮。諸州號紫極宮。尋改西京為太清宮。東京為太微宮。皆置學生。尊號曰太聖祖。高上大道金闕玄元天皇大帝。

木公諱倪。字君明。天下未有民物時。鍾化而生於碧海之上。蒼靈之墟。道性凝寂。湛體無為。將贊迪玄功。育化萬物。主陽和之氣。理於東方。亦號東王公。凡上天下地。男子登仙得道者。悉所掌焉。嘗以丁卯日登臺觀望。轉劫

學道得仙之品。品有九。一曰九天真皇。二曰三天真皇。三曰太上真人。四曰飛天真人。五曰靈仙。六曰真人。七曰靈人。八曰飛仙。九曰仙人。凡品仙昇天之日。先拜木公。後謁金母。受事既畢。方得昇九天。入三清禮太上而觀元始。漢初有群兒戲。謠於道曰。着青裙。上天門。揖金母。拜木公。時人皆莫之知。唯子房性拜焉。乃語人曰。此東王公之玉童也。

西王母。即龜臺金母也。以西華至妙之氣。化而生於伊川。姓緱。一作揚。諱回。字婉妗。一字太虛。配位西方。與東王公共理二氣。調成天地。陶鈞萬品。凡上天下地。女子之登仙得道者。咸所隸焉。居崑崙之圃。闕風之苑。王樓玄

臺九層。左帶瑤池。右環羣水。女五華林。媚蘭。青娥。瑤姬。王卮。周穆王八駿西巡。乃執白圭玄璧。謁見西王母。復觴母于瑤池之上。母為王謠曰。白雲在天。山陵自出道。里悠遠。山川間之。將子無死。尚能復來。後漢元封元年。降武帝殿。母進蟠桃七枚於帝。自食其二。帝欲留核。母曰。此桃非世間所有。有三千年一實耳。偶東方朔於臚間。窺之。母指曰。此兒已三偷吾桃矣。是日命侍女董雙成。吹雲和之笛。王子登彈八琅之漱。許飛瓊鼓靈虛之簧。安法與歌玄靈之曲。為武帝壽焉。太真王夫人。王母少女。王卮也。每彈一絃琴。即百禽飛集。時乘白龍。周遊四海。

東王公。與王女投壺。梟而脫誤。不接者。公為之笑。開口流光。今電是也。按此東王公。與王女仙等。按神記云。王女即掩其光。以作電神。上元夫人。漢武帝元封元年七月七日。王母乘紫雲輦。駕五色斑麟。降帝宮。東向坐。帝跪問寒暄。畢。乃命帝坐。遣侍女迎上元夫人。云。劉徹好道。適來觀之。夫人可慳來不。侍女返云。阿環再拜。遠隔絳河。遂替顏色。近五十年。帝問上元何真。曰。是三天真皇之母。總領真籍。上元之官也。俄夫人亦乘麟至。服青霜袍。頭作三髻。餘髮散垂。至腰。帝拜。夫人曰。汝好道乎。汝胎性暴。胎性淫。胎性奢。胎性醜。胎性賊。五者常舍于榮衛之中。五臟之內。雖數招方士。而慕長生。亦自勞耳。按帝以靈飛十二事。乃去

赤松子神農時雨師服水王教神農能入火不燒至崑崙山常止西王母石室中隨風雨上下炎帝少女追之亦得仙俱去高辛時為雨師間遊人間

容成公者自稱為黃帝之師見周穆王言補導之專煉精於玄牝其要谷神不死守生養氣髮白返黑齒落更生道與老子同

廣成子軒轅時人隱居崆峒山石室中黃帝造焉問以至道之要答曰至道之精窈窕冥冥至道之極昏昏默默無視無聽抱神以靜形將自正必靜必清毋勞爾形毋搖爾精毋俾爾思慮營營乃可長生慎內閉外多智多敗我守其一而處其和故千二百年未嘗衰老

黃帝立為天子十九年聞廣成子在崆峒之上乃往見之曰敢問至道之精廣成子曰自汝治天下雲氣不待族而雨草木不待黃而落日月之光益以荒矣奚足以語至道黃帝退居三月復往見之廣成子南首而卧黃帝從下風膝行而進再拜稽首問曰敢問治身奈何而可以長久廣成子蹷然起曰善哉問乎吾語汝至道之精

窈窕冥冥至道之極昏昏默默無視無聽抱神以靜形將自正心靜神清無勞汝形無搖汝精乃可以長生帝再拜曰廣成子之謂天矣退而養心服形晝而魂遊于華胥氏之國國在弇州之西台州之北不知離中國幾千萬里蓋非舟車足力所及神遊而已其國無師長民無嗜欲不知樂生惡死故無夭殤不知親已踈物故無愛憎不知背逆向順故無利害都無所愛惜都無所畏忌入水不溺入火不熱乘空若履實寢虛若枕林雲霧不垓其勢雷霆不亂其聽美惡不滑其心山嶽不躓其步神行而已黃帝既寤惺然自得召力牧等語之曰朕閑居三月思有以養身矣而於治物之道弗獲其術也

今所夢若此方知至道不可以情求矣不可以告若矣其後天下大治幾若華胥氏之國帝後採首山銅鑄鼎於荆山之下鼎既成有龍垂胡髯下迎黃帝黃帝乃乘之後宮及群臣從之者七十餘人餘臣悉持龍髯龍髯拔因墮黃帝弓百姓仰望帝既上乃抱其弓與髯而號故後因名其處曰鼎湖弓曰烏號

甯封子為黃帝陶正有異人過之為其掌火能出五色煙久則以教封子封子積火自燒能隨煙氣上下

赤將子輿者黃帝時人不食五谷而噉百花草至堯時為木正能隨風雨上下時與市中貨繳亦謂之繳父

洪厓先生或曰黃帝之臣伶倫也。得道仙去。姓張氏。或曰堯時已三千歲矣。漢仙人衛叔卿。在終南絕頂。與數人博。其子度世。問卿曰。同與博者為誰。叔卿曰。洪厓先生輩也。

馬師皇者。黃帝時治馬醫也。知馬形氣死生之診。理之輒愈。後有龍下。向之垂耳張口。師皇曰。此龍有病。知我能理。乃針其唇下。口中以甘草湯飲之。一旦龍負而去。

王倪。卽老君弟子。得道于羲農之間。黃帝過之。因傳道要。歷少昊顓頊之世。常遊人間。帝嘗以前為醫。缺師。行飛走之道。堯舜之時。猶有見者。後昇天。

何侯者。堯時隱蒼梧山。慕長生。三百餘口皆耕耘。舜南狩。止何侯家。天帝五老來謂舜曰。昇舉有期。翌日五帝下迎。舜白日昇天。夏禹時。五帝以藥一器與何侯。使投酒中。一家三百餘口。飲不竭。以餘酒灑屋宇。拔宅上昇。位為太極仙人。今崑山有何侯廟。在舜廟側。

僊侏。采藥父也。好食松子。體毛數寸。能飛行。逐走馬。以松子遺堯。堯不受。時受食者皆三百歲。

宛丘先生。服制命丸。得道。至殷湯之末世。已千餘歲。以方傳弟子姜若春。服之。三百年。視之如十五歲童子。彭祖師之。受其方三首。姜若春附

鐵拐先生。李其姓也。質本魁梧。早得道。修真巖穴時。李老君與宛丘先生。嘗降山齋。誨以道教。一日先生將赴老君之約於華山。囑其徒曰。吾魄在此。儻游魂七日而不返。若甫可化吾魄也。徒以母疾。迅歸。六日而化之。先生至七日果歸。失魄無依。乃附一餓草之尸而起。故形跛惡。非其質矣。

務光。夏時人。耳長七寸。好服蒲韭根。湯伐桀。以天下讓於光。光辭曰。廢上非義也。殺人非仁也。人犯其難。我享其利。非廉也。乃負石自沉。蓼水後四百餘年。至武丁時復見。武丁欲以為相。遂遊尚父山。不出。

孟岐。清河逸人也。尋師不避險阻。漢武帝時談及周初時事。了如目前。嘗云。曾見周公旦抱成王。朝於周廟岐時。侍周公陞壇。公上岐。以手摩成王足。周公以玉笏遺岐。岐常執之。每以衣袂拂拭。笏今銳。欲折耳。嘗餌桂葉。在華陰山下。拾藥聞帝好仙。披草萊而出。

匡裕周武王時人。兄弟七人皆有道術。結廬山中。後得仙去。惟空廬在焉。故曰廬山。漢武帝封裕爲廬山君。

彭祖錢鏗。帝顓頊玄孫。至殷之末世。年已七百餘歲。而不衰。好恬靜。惟以養神治生爲事。穆王聞之。以爲大夫。稱疾。不與政事。善於補導之術。并服水晶。雲母粉。麋角。常有少容。采女乘輜軒。往問道於彭祖。采女具受諸要。以教王。王試爲之。有驗。彭祖知之。乃去。不知所往。其後七十餘年。門人於流沙西見之。一云。周衰。始浮遊四方。晚入蜀。抵武陽留家。喪四十九妻。失五十四子。

青鳥公者。彭祖之弟子也。身受明師之教。精審仙妙之理。乃入華陰山中。學道積四百七十一歲。十二試之。有三不過。後服金液而昇天。太極道君以爲三試不過。仙人而已。不得爲真人。

呂尚。冀州人。生而內智。豫知存亡。避紂亂。隱遼東三十年。西適。隱於南山。釣于下溪。三年不獲魚。或曰。可以止矣。尚曰。非爾所及也。果得大鯉。有兵鈐在腹中。乃服澤芝。地衣。石髓。二百年而告亡。葬之無尸。惟有玉鈐六篇在棺中。

范蠡。字少伯。徐人也。事周師太公望。好服桂飲水。爲越大夫。佐勾踐破吳。後乘輕舟入海。變名姓。適齊。爲鴟夷子。更後百餘年。見於陶。爲陶朱公。財有億萬。復棄之。往蘭陵。賣藥。後人世世見之。

劉越。周時有匡先生。名績。修道于南嶂山。後有一少年。數來相訪。言論奇偉。先生異之。問曰。觀子風猷。有日矣。替問鄉邦。姓字。答曰。予姓劉。名越。居在山之左。山下有石高二丈許。叩之。即應。當相延。先生如其語訪之。叩石。石忽自開。雙戶洞啓。一小鬟迎先生。行數十步。繼有二青衣。絳節前導。漸見臺榭參差。金碧掩映。玲禽奇獸。草木殊異。真人冠玉冠。朱紱劍佩來迎。先生意欲留居之。真

人已覺。謂先生曰。子陰功未滿。後會可期。他日相從。不晚也。飲玉酒三爵。延齡保命湯一啜而出。先生返顧所叩石。宛然如初。他日復叩。無所應矣。今廬山太平興國宮三門外。即石建亭。名曰仙石。石上尚有劉仙二字存焉。

匡績。字君平。南楚人。號匡阜先生。生而神靈。兒時便有物外志。周武王時。師老聃。得長生之道。結茅南嶂山虎溪之上。隱焉。室中無所有。惟置一榻。簡書數篇而已。武王屢徵不起。一日有少年詣之。自通曰。姓劉。名越。家在前山之左。邀先生過之。且曰。至山下有石高二丈許。即予家也。績後如約而往。至山下。四顧無人。家惟一石。乃

卯之石爲之開若雙扉然有二青衣執絳節前導入其中瓊樓王宇見前少年傳以仙訣由此得道遂煉丹于其所漢武帝元封元年南巡狩登祀天柱嘗望秩焉繼而射蛟潯陽江中復封先生爲南極大明公仍命立祠於虎溪舊隱列於祀典迨至東晉鴈門僧慧遠遊羅浮夜宿祠下愛其溪山之勝謁郡守桓伊曰昨夢匡先生願捨祠爲寺伊從之而遷先生祠于山口唐開元間再加興建尊爲仙廟凡水旱癘疫禱之皆應

葛由者羌人也周成王時好刻木羊賣之一日騎羊入蜀蜀中王侯貴人追之上綏山綏山在峨嵋山西南最高無極隨之者不復還皆得仙道故諺曰若得綏山一眺雖不得仙亦豪

蔡瓊字伯瑤師老子受太玄陽生符還丹方合服得道白日昇天常用陽生符活已死人但骸骨存者以符投之即起

彭宗字法先彭城人年二十學於杜冲嘗從之採藥忽墮深谷手足傷損逮至危困良久蘇息蕭恭如初又使之採樵被蛇中亦無愠色冲憫之乃授丹經五千文及守一之道宗實而修之日臻幽妙嘗宵中有神燈數枚浮空映席又五色雲霞霏繞座間能三晝夜爲一息或自卧水底竟日方出或瞑目僵卧輒一年許不動塵委其上積厚如指見者皆疑已殞及起顏色愈鮮能以一氣誦五千文通爲兩遍山中毒蛇猛虎能以氣禁之潛伏終不能動宗解之方去嘗有獵者遙相毀罵且及門欲相凌辱宗用氣禁之獵者手足不覺自拘蠢然尸立使幽靈擊之傍人惟聞杖楚之聲莫測其所以俟其悔

過乃釋之年一百五十餘歲常如二十許厲王十三年正月老君遣仙官下迎授爲太清真人治赤城宮

馮長驪山人周宣王時爲柱下史觀天文之變乃退隱樞生遇鄧真人授以靈書功行垂成復遇彭真人授以太上隱書遂得仙用術活人平王二十年春昇化而去

王子喬周靈王太子晉也好吹笙作鳳鳴遊伊洛之間道人浮丘公接晉上嵩高山三十餘年後見桓良謂曰可告我家七月七日待我於緱山頭至期果乘白鶴駐山頭可望不可到俯首謝時人數日方去後立祠緱氏山下。

沈羲吳郡人學道蜀中善醫一心救人功德感天周穆王十年老君遣使召之與妻賈氏共載授羲碧落侍郎白日昇天時道間耕鋤人共見之須臾大霧霧解失其所存但見羲所乘車牛在田中食禾或有識為羲車牛以語羲家弟子數百人恐是邪魅車牛入山谷間乃將數百人分布於百里之間求之不得至漢殤帝延平元年

九四百一十二年乃復還鄉里推求得十餘世孫名懷喜懷喜曰聞先世相傳果有遠祖登仙羲歸留數日云初上天時不見天帝惟謁老君老君向東坐宮殿鬱鬱雲氣五色庭中皆珠王樹侍從數百多女少男四壁烟燭有符書老君長可丈餘身體有光不可正視老君令王女持金索王杯盛藥賜羲曰此是神丹飲者不死夫妻各得一刀圭飲畢復賜大棗二枚大如鷄子復以符一道仙方一道賜羲令且還人間救人疾苦若欲上昇以此符懸之竿杪仙吏當迎汝也語已奄忽如睡已在地土竇太后疾嘗遣使請問安帝時猶在人間後復昇天。

周亮字泰貞太原人母宵寢見五色流霞覆其宅因感有孕經十五月而生長而師事姚坦授五千文及八素真經能治鬼怪各見真形周靈王太子晉聞之召與相見賜以九光七明芝亮修服之遂能變化或如老翁髮白齒落經宿不出復為少年姿容如花或被兇人侮之其人不覺自縛至於拷擊叫號口中流血求哀乃釋之年一百九十餘歲威烈王二十四年上帝遣天官下迎授為秦隴真人出入太清。

涓子齊人好餌木齋食養精至三百年仍見於齊着天地人經四十八篇後釣魚于河澤得鯉腹中有符隱于岩石能制風雨受伯陽九仙法淮南王安少得其文不能解其意也獨琴心三篇有條理焉。允倉子姓庚桑名楚陳人也得老君之旨隱毘陵孟峯嘗云導筋骨則形全剪情欲則神全靜言語則福全後道成仙去。琴高趙人能鼓琴為宋康王舍人行涓彭之術浮遊冀州涿郡間二百餘年後入涿水取龍子與諸弟子期某日當返諸弟子日齋潔待于水傍設祀高果乘鯉而來觀者萬餘人留一月復入水去。

寇先者宋人也。釣魚爲業。居睢水傍。百餘年。得魚或放賣。或食。好種荔枝。其葩實焉。宋景公問其道。不告。即殺之。後數十年。踞宋城門鼓琴十日而去。宋人家奉祀焉。馬丹。晉狄人。文侯時。爲大夫。獻公時。爲幕正。公滅狄。殺恭太子。丹去。至趙。宣子時。乘安車。入晉。都候之。靈公欲仕之。逼不以禮。俄迅風發。丹入迴風中而去。北方人尊而祠之。

王瑋。玄。不知何許人。得道。居林屋山洞中。吳國韓崇好道。遊名山。訪方術於林屋。遇瑋。玄求度世之道。瑋玄以流珠丹授之。謂崇曰。子行此道。無妨居世功成之日。自當仙舉也。崇行之。大驗。仕爲汝南太守。在郡十四年。治化

大行。著爲天下最。年七十四。瑋玄又降人間。授崇隱道解形之法。入大霍山。又授崇道化泥丸。并紫房之術。後俱昇天。韓崇附

負局先生。語似燕代間人。因磨鏡。輒問主人得無有疾苦者否。若有。輒出紫丸。赤藥與之。莫不愈。時大疫。每列戶與藥。愈者萬計。不取一錢。後止吳山絕崖。世懸藥。與人曰。吾欲還蓬萊山。爲汝曹下神水崖頭。一旦有水。自色。從石崖流下。服之者多所愈。鄉人乃立祠祀之。

列子。鄭人名。禦寇。問道於關尹子。復師壺丘子。九年。能御風而行。隱居鄭國。四十年。無知者。著書行於世。唐天寶初。冊爲冲虛真人。題其書曰。冲虛真經。宋景德四年。敕加至德二字。

莊子。蒙人名。周嘗爲蒙漆園吏。與梁惠王齊宣王同時。其學無所不闢。然其要本歸於老子。著書六萬餘言。率寓言也。楚威王聞周賢。使使厚幣迎之。許以爲相。周笑謂使曰。吾聞楚有神龜。死已三千歲矣。王中笥而藏之。廟堂之上。此龜者。寧其死爲留骨而貴乎。寧其生而曳尾於塗中乎。使者曰。寧生而曳尾於塗中。莊子曰。往矣。吾將曳尾於塗中。又聘於莊子。莊子應其使者曰。子見夫

犧牛乎。衣以文繡。食以芻菽。及其牽而入於大廟。當是之時。雖欲爲孤犢。其可得乎。遂終身不仕。後竟仙去。帝命爲闡編郎。以紀諸仙戒善。

尹喜。字公文。天水人。初母氏嘗晝寢。夢天下絳霄。流繞其身。及喜生時。家陸地。自生蓮花。遍滿。及長。眼有日精。姿形長雅。垂臂下膝。堂堂有天人。之貌。少好學。墳索善。內學。星宿。服精華。隱德行仁。大度不修俗禮。捐身濟物。不求聞達。周康王時。爲大夫。仰觀乾象。見東方有紫氣。西邁。知有聖人。當度關而西。乃求爲函谷關令。預敕關吏。



孫景曰。若有形容殊俗。車服異常者。勿聽過。喜嘗候物色。而述之時。昭王二十三年七月十二日甲子。老君果乘白輿。駕青牛。徐甲為御。欲度關。關吏入白喜。喜曰。今我得見聖人矣。即具朝服出迎。跪伏叩頭。邀之曰。願暫留神駕。老君謝曰。吾貧賤老翁。居在關東。由在關西。今暫往取薪。何故見留。幸聽度。喜復稽首曰。大聖豈是取薪。久知大聖當來。西遊暴露有日。願少憇神駕。老君曰。聞開導。竺乾有古先生。善入無為。永存綿綿。是以身就道。經歷關。子何過留耶。喜又曰。今觀大聖神姿超絕。乃天上之至尊。邊夷何足往觀。願不托言。少垂哀愍。老君曰。子何所見而知。喜曰。去冬十月。天理星西行過昴。自

今月朔。融風三至。東方真氣。狀如龍蛇。而西度。此大聖人之徵。故知必有聖人度關。老君乃怡然笑曰。善哉。子之知吾。吾亦已知子矣。子有通神之見。當得度世也。喜再拜曰。敢問大聖姓字。可得聞乎。老君曰。吾姓字渺渺。從劫至劫。非可盡說。吾今姓李。字伯陽。號曰老聃。喜於是就官舍。設座供養。行弟子禮。老君乃為喜留關。下百餘日。盡傳以內外修煉之法。時老君之御者徐甲。少賃於老君。約日。願百錢。至關時。當七百二十萬錢。甲見老君去。官遠適。亟來索錢。老君謂曰。吾往西海諸國。還當以黃金。什直償爾。甲如約。及至關。飯青牛於野。老君欲試之。乃以吉祥草化為一美女。行至牧牛之所。能以言

戲甲。甲惑之。欲留。遂負前約。乃詣關。令訟老君。索傭錢。老君謂甲曰。汝隨我二百餘年。汝久應死。吾以太玄生符與汝。所以得至今日。汝何不念此。而乃訟吾。言訖。符自口中飛出。丹篆如新。甲即成一聚白骨。喜乃為甲叩頭。請赦其罪。以賜更生。老君復以太玄生符投之。甲即立生。喜乃以錢償甲。而禮遣之。一日。老君謂喜曰。吾重告爾。古先生者。即吾之身。嘗化乎竺乾。今將返神。還乎無名。吾今逝矣。喜叩首請侍行。老君曰。吾遊乎天地之表。嬉乎玄冥之間。四維八極。上下無邊。子欲隨吾。烏可得焉。喜曰。入火赴淵。下地上天。灰身沒命。願隨大仙。老君曰。汝雖骨相合道。法富成真。然受道日淺。未能通神。

安得變化。隨吾聖身。汝尚精修。此道體入自然。斯可與汝行化。諸國爾。於是復以道德五千言授之。期曰。千日之外。可尋吾於蜀青羊之肆也。言訖。背身空中。坐雲華之上。面放五明。身見金光。洞然十方。冉冉昇空。光燭館舍。五色玄黃。良久。乃沒。喜目斷雲霄。涕泣攀戀。其日。江河汎漲。山川震動。有五色光貫太微。徧及四方。喜遂以老君所說理國修身之要。去奢滅欲之言。叙而編之。為三十六章。名之曰西昇經。喜乃屏絕人事。二年之內。修煉俱畢。凡所授書。悉臻其妙。乃自著書九篇。號關尹子。至丁巳歲。即往西蜀。尋訪青羊之肆。老君以甲寅年昇天。至乙卯歲。復從太微宮分身降生於蜀國大官李氏。

之家已先敎青龍化生為羊。色如青金。常在所生嬰兒之側。愛玩無斃。忽一日失羊。童子尋覓得於市肆。喜至蜀徧問居人。無青羊肆者。忽見童子牽羊。因自解云。既有青羊。復在市肆。聖師所約。其在此耶。因問此誰家羊。牽欲何往。童子答曰。我家夫人一兒。愛玩此羊。失來兩日。兒啼不止。今却尋得。欲還家。喜即囑曰。願為告夫人之子。云尹喜至矣。童子如其言。入告兒。兒即振衣而起。曰。令喜前來。喜既入。其家庭宇。忽然高大。湧出蓮花之座。兒化數丈白金之身。光明如日。項有圓光。建七曜之冠。衣晨精之服。披九色離羅之帔。坐於蓮花座上。舉家見之。皆驚怪。兒曰。吾老君也。太微是宅。真一為身。太

和降精。耀魄為人。主客相因。何乃怪耶。喜將慰無量。稽首言曰。不謂慶會。復奉天顏。老君曰。吾向留子者。以子沿世來久。深染恩愛。初受經訣。未克成功。是以待子於此。今子保形煉氣。已造真妙。心結紫絡。面有神光。金名表於玄圃。王札繫於紫房。氣參太微。解形合真矣。即命召三界衆真。時諸天帝君。十方神王。洎諸仙衆。頃刻浮空而至。各執香花。稽首聽命。老君敎五老上帝。四極監真。授喜玉冊金文。號文始先生。位為無上真人。賜紫芙蓉冠。飛青羽裙。丹襪綠袖。交泰霓裳。羅紋黃綬。九色之節。居二十四天王之上。統領八萬仙士。自此方得飛騰虛空。參侍龍駕。其家長幼二百餘口。即時拔宅昇天。


尹軌字公度。太原人。文始先生尹喜之從弟也。少學天文。兼通識緯。父事先生。因敎服黃精花。及授諸道經。凡百餘篇。皆蒙口訣。先生登真之後。即與隱士杜冲。同修煉於先生宅。時年二十八歲。絕粒養氣。專修上法。上帝憐之。賜為太和真人。仍下統仙僚於杜陽宮。軌時帶神丹。周歷天下。濟度有緣。或煉金銀。以賑貧苦。求哀之人。咸得其福利焉。晉惠帝永興三年。從東來降于尹真人之觀。語道士梁謚。以得道之素。及上帝命所司之事。語畢。忽聳身騰空。冉冉而登天府。

有象列仙全傳一卷終



[Blank space]





















容成公















何侯




偃佺

列山全傳卷之二 偃佺



三 元虎并








列仙全傳卷之一  
孟岐

古

玩虎軒








呂尚

列仙全傳卷之一

呂尚

十一

列仙全傳












葛由





神仙全傳卷之一

葛由

十六


現成車







死何生何未之  
彭宗

一  
大  
五  
月  
車











淳子







負局先生











有象列仙全傳卷之二

吳郡

王世貞輯次

新都

汪雲鵬校梓

丁令威本遼東人學道於靈虛山後化鶴歸集華表而吟曰有鳥有鳥丁令威去家千歲今來歸城郭如故人民非何不學仙塚累累

李八百蜀人名真居筠陽五龍岡歷夏商周年八百歲動行則八百里時人因號為李八百或隱山林或居塵市又修煉於華林山石室丹成還蜀中周穆王時居金堂山蜀人歷代見之號紫陽真君

明香真人李八百之妹也初修道於華林元秀峯後于峯南五龍岡設壇道成冲舉唐天寶中即其地為元陽觀封妙應真人

折象廣漢人少好黃老術師事東平先生家世豐贍以為多藏必厚亡散千金以賑貧苦或諫之象曰實子文有言我之施物乃逃禍非避時也自尅亡日尸解如蛇蛻焉

宋倫字玄德洛陽人專心好道服黃精二十餘年周厲王時老君授以通真經及丹符倫得經修行遂自然通感嘗有王童六人更通侍之凡未來事預知其吉凶言無不驗能飄然飛舉凌波涉險與神仙遊日行三千里或

化為鳥獸以試人心有獵者逐之常相去五十步百步不能至善射者射之亦不至與病者同寢其病自痊年九十餘宣王三十二年上帝遣仙官下迎授為太清真人下司中微

王子姓章名震南郡人少學衆經周幽王徵之不起乃嘆曰人但貪富貴不知養性命盡氣絕雖為王侯金王如山何益獨有學仙可以無窮乃師長桑子受其衆術著道書百餘篇其要術以務魁為主尤精於五行演其微妙能起飄風雲雷雨霧發屋折木又以草芥瓦石為六畜龍虎立使能行分形為數百千人又能步行江海含水噴之即成珠遂不復變或時閉氣休息舉之不起摧

之不動屈之不曲伸之不直如此數十日乃起復如故每與諸弟子行各丸泥為馬與之皆令閉目須臾皆乘大馬一日千里又能吐五色雲氣起數丈見飛鳥過指之即墮又臨淵投符召魚鱉魚鱉皆自投岸又能使諸弟子舉眼即見千里外物但不能久也其務魁時以器盛水箸兩魁之間吹而噓之水立有赤光燒之燁燁而起即以此水治百病病在內者飲之在外者浴之皆立愈後入崆峒山合丹丹成白日昇天

太陽子者姓離名明王子之友也王子學道已成太陽子乃事王子盡弟子之禮不敢懈怠王子特親愛之而好酒恒醉頗以此見責然善為五行之道雖鬢髮班白而

肌膚豐盛。面目光華。二百餘歲。猶自不改。王子謂之曰。汝當理身養性。為衆賢法師。乃昏迷大醉。功業不修。大藥不合。雖得千歲。竟難免死。况數百歲乎。此凡庸所不為。况達者乎。後著七寶樹之術。深得道要。服丹得仙。常在世間。五百餘歲。面如少童。祇多酒。其鬚鬢皓白。不能全其嬰兒也。

太陽女。姓朱。名翼。敷演五行之道。咸盡微妙。甚驗且速。年二百八十歲。色如桃花。口如含丹。肌膚充澤。眉鬢如畫。綽如十七八處子。奉事絕洞子。丹成。分賜之。俱得仙昇天。

太陰女。姓盧。名全。賦性聰達。智慧過人。好王子之道。頗得其法。未能精妙。苦無明師。乃當道沽酒。密欲求賢。積年累久。未得勝已者。會太陽子過之。飲酒。見女禮節恭脩。言詞閑雅。太陽子喟然嘆曰。彼行白虎騰蛇。我行青龍玄武。天下悠悠。知者為誰。女聞之。大喜。使妹問客土數。為幾。對曰。不知也。但南三北五。東九西七。中一耳。妹還報曰。客大賢者。至德人也。我始問一。已知五矣。遂請入道室。改進妙饌。以享之。因自陳訖。太陽子曰。共事天帝之朝。俱飲神光之水。身登王子之魁體。有五行之寶。唯賢是親。豈有所吝。遂授以道要。及煉丹之方。丹成。服之。得仙時年已二百歲。猶如少女顏色。

太玄女。姓顛。名和。少喪夫。有術人相其母子曰。皆不壽也。乃學道。得王子之術。遂能入水不濡。盛寒之時。單衣卧冰上。而顏色不變。身體溫暖。可至積日。能徙官府官殿。城市屋舍於他處。視之無異。復指之。則還其所在。又門戶積櫃有閤籬者。指之即開。指山崩。指樹死。更指之。皆復如故。一日與弟子行山間。日暮。以杖扣山石。石開。皆有門戶。入其中。有屋室床几。帷帳厨廩。酒食如常。雖行萬里無異。能令小物忽大如山岳。大物忽小如毫芒。野火張天。噓之即滅。又能坐炎火之中。衣裳不熱。間化為老翁小兒車馬。無所不為。行三十六術。甚有神効。起死無數。不見其脩煉服食。顏色益少。髮髮如鴉。後白

日昇天而去。  
墨子者。名翟。宋人也。任宋。為大夫。外陳經典。內修道術。著書十篇。號為墨子。公輸子嘗為楚王造雲梯。以攻宋。墨子說楚王而罷之。年八十有二。乃歎曰。世事已可知已。榮位非可長保。將委流俗。以從赤松子遊矣。乃謝遣門人。精思至道。想像神仙。於是夜常聞左右山間有誦書聲。每卧後。每有人以衣覆之。墨子乃伺之。見有一人。乃起問之曰。君豈非山嶽之靈乎。願誨以道教。神人曰。子有仙骨。志且好道。故來相候。子欲何求。墨子曰。願得長生與天地相畢耳。於是神人授以素書。朱英九方。道靈。教戒。五行變化。凡三十五卷。墨子拜受。合作。遂得其効。

乃撰集五行記五卷。至漢武帝時遣使者楊遵、束帛加璧以聘墨子。墨子不出。視其顏色如五六十歲人。周遊五嶽不止一處也。

浮丘伯姓李。居嵩山修道。白日飛昇。嘗作原道歌云。虎伏龍亦藏。龍藏先伏虎。但畢河車功。不用提防拒。諸子學飛仙。狂迷不得住。左右得君臣。四物相念護。乾坤法象成。自有真人顧。又作相鶴經。王子喬傳。存于世。

祝雞翁。洛陽人居尸鄉北山下。養雞百餘年。雞皆有名字。千餘群。暮栖樹上。晝散放之。翁每呼名。即種別而至。賣雞及子。得千萬錢。輒置錢去之。吳作養魚池。後見吳山白鶴孔雀。嘗止其傍。

皇太姥。閩人。相傳為婺星之精。母子二人。居武夷採黃精。以餌。能呼風檄雨。乘雲而行。秦人呼為聖母。

古丈夫。漢恂大與尹子虛同遊高華。松下見古丈夫。并一女子。二生曰。神仙何以至此。古丈夫曰。予本秦之役夫。此為毛王姜亦秦宮人。合為殉者。同脫驪山之禍。匿此。不知今幾甲子。二生曰。幸遇大仙。願求金丹大藥。古丈夫曰。我本凡人。初餌栢子。後食松脂。歲久凌虛。毛髮紺綠。不知金丹大藥為何物也。

毛女。在華陰山中。山客獵師。世世見之。形體生毛。自言始皇宮人。秦亡。入山食松葉。遂不飢寒。身輕如飛。

徐福。字君房。秦始皇時。枉死者滿道路。有鳥如鳥狀。嚼草覆死人面。皆登時而活。始皇使人持草以問鬼谷先生。先生云。海中有十洲。祖洲有不死之草。生瓊田中。名養神芝。其葉似菰。叢生。一株可活一人。始皇乃遣道士徐福入海尋祖洲。不返。後不知所在。逮沈義得道。老君遣徐福為使。乘白虎車迎義。後人始知徐福為仙。又唐開元中。有士人患半身枯黑。御醫張上客等。俱不能活。因謂曰。聞大海中有神仙。盍求治之。士人乃從登州下海。隨風行十餘日。近一孤島。島上有數百人。須臾至岸。岸邊有婦人洗藥。問彼皆何人。婦人指云。中坐鬚髮白者。徐君也。又問徐君是誰。婦人云。君知秦始皇時徐福否。

曰。知之。曰。此即是也。士人遂登岸。致謁求治。徐君初以美飯哺之。器物皆奇小。士人心嫌其薄。徐君覺之。曰。但恐食不能盡爾。士人連啖之。如數大甌。至飽而竭。復以小器盛酒。飲之。至醉。翌日以黑藥數丸。與食。利黑水數斗。其病輒愈。士人求住奉侍。徐君曰。爾有祿位。未宜即留。當以東風相送。毋愁歸路遠也。復與黃藥一袋。治一切病。持歸救人。士人還數日至登州。以藥奏聞。玄宗令有疾者服之。即愈。

孔丘明。秦時人。與駱法通等十人避亂。相與結友。遠訪大道。在王笥山修煉。歲久。道成。騰空而去。惟仙良一人。漫遊不與。但成地仙云。

黃石公漢張良于下邳圯橋遇老父躡蹻令良取履良每  
曲事之老父喜曰孺子可教遂授良書且謂曰後十三  
年齊北穀城山下黃石即我也後良功成封留侯從高  
祖於穀城山果得黃石良請立祠以祀焉

控鶴仙人名屬仁天台元虛老君第七子也常控鶴至武  
夷山校定仙籍時魏王子騫等禱雨龍潭之上仙人適  
過其處魏王與張湛等十二人因得謁見仙人見魏王  
等手骨異常乃遣何鳳兒往天台取仙籍檢視果載子  
騫與張湛等名於是賜魏王等胡麻飯九品丹書仙人  
以飲酒過度故謫居武夷須八百年後方得脫骨仙化

鬼谷子春秋晉平公時人姓王名詡嘗入雲夢山採藥得  
道顏如少童居青溪之鬼谷蘇秦張儀嘗問道三年辭  
去子遺之書曰二足下功名赫赫但春華至秋不得久  
茂今二子奸朝露之榮忽長久之功輕喬松之未延貴  
一旦之浮爵夫女愛不極席男歡不畢輪痛哉鬼谷處  
人間數百歲後不知所之有陰符鬼谷子二書行于世  
馬成子秦扶風人志專修道棄家訪師遇黃蓋童子授以  
胎元煉氣之法乃入蜀之鶴鳴山石洞中復遇異人授  
以神丹曰氣為內丹藥為外丹今授子此丹服之當列  
為高真矣言訖而去成子遂白日昇天  
茅濂字初成咸陽人博學深鑒知周室將衰不求仕進嘆

曰人生若流電爾奈何又迷塵寰中於是師鬼谷先生  
受長生之術遂入華山修煉秦始皇三十年九月庚子  
乘龍白日昇天先是邑人謠曰神仙得者茅初成駕龍  
上升入太清時下玄州戲赤城繼業而往在我盈帝若  
學之臘嘉平秦始皇聞之因改臘為嘉平玄孫盈固衷  
二人皆得仙居茅山

魏真君名子騫求道於武夷山後遇控鶴仙人授以換骨  
之訣秦始皇時尸解真君願骨至今尚存紅白堅潤  
蕭史得道好吹簫秦穆公以女弄玉妻之遂教弄玉吹簫  
作鳳鳴有鳳來止其屋公為作鳳臺後弄玉乘鳳蕭史  
乘龍共昇天去弄玉附

劉海蟾汲郡白鶴觀知事崔重微忽見道人謁於堂下揖  
之坐不語但微哂重微起取金相贈未入房已聞弄筆  
聲急回視已失道人壁間有題字以仙書證之乃秦人  
劉海蟾之筆

盧侯二仙秦始皇遣盧生入海求神仙藥不得盧與侯生  
謀隱入邵陵雲山今山有侯仙跡盧仙影秦人古道煉  
丹井飛昇臺掃壇竹皆其遺迹

蔡女仙襄陽人幼善刺繡忽有父老詣門請繡鳳一隻畢  
功之日自當指點既而繡成老父指視安眠功畢俄雙  
鳳騰躍飛舞老父與女仙各乘一鳳昇去

白石生。中黃丈人弟子。云彭祖時。已二千餘歲。不修飛昇。但以長生為貴。不失人間之樂而已。所行者。止以金液之藥為上。初患家貧。不能得藥。乃養猪牧羊。十數年。致富萬金。乃買藥服之。嘗煮白石為糧。因就白石山居。遂號白石生。亦時食脯飲酒。亦時辟穀。日能行三四百里。顏色如三十許人。或問何以不愛飛昇。荅曰。天上未必樂于人間。且天上多至尊。奉侍更苦于人間也。

涉正。字玄真。巴東人。漢末。說秦始皇時事了。從二十弟子入吳。而正常閉目。雖行不開也。弟子隨之二十年。莫有見其開目者。有一弟子固請之。正乃為開目。開時。有聲如霹靂。有光如火電。弟子皆不覺伏地。良久。乃能起。

正已復還閉目。後道成。仙去。其所服食施行。并授諸弟子。皆以行氣絕房室及服石腦小丹。時李八百呼正為四百歲兒。

杜宇。古蜀主也。蜀嘗大水。宇與民人避水於長平山。後甞靈開峽。治水。人得安居。宇禪位與之。自居西山。得道昇天。

安期生。瑯琊阜鄉人。賣藥海邊。時人皆呼千歲公。秦始皇請見。與語三夜。賜金帛數萬。出於阜鄉亭。皆置去。留書并赤玉烏一量。為報曰。後千歲。求我於蓬萊山下。始皇遣使者數輩。入海求之。未至蓬萊山。輒遇風波而還。乃立祠阜鄉亭。并海邊十處。

朱仲。會稽人。漢高后時。下書募三寸珠。仲乃齎三寸珠詣闕。上書。賜五百金。魯元公主復私以七百金從。仲求珠。仲復獻四寸珠。至闕。即去。帝下書。會稽徵聘。不知所在。景帝時。復來獻三寸珠數十枚。輒去。竟不知所在。清平古。漢沛國人。即高帝時衛平也。至光武時。容色不老。後尸解去。百餘歲。復還鄉里。數日間。又尸解去。

劉京者。漢文帝侍郎。從邯鄲張君學道。受餌。雲母。朱英。方服之。百三十年。餘視之。如三十許人。能先知吉凶之期。又能為人祭天。益命。可延十年。五年。至魏武時。京遊諸弟子家。皇甫隆聞而隨事之。以雲母。九子。方教隆。隆合服之。得三百歲。不能盡其道法。故不得度世。又有王公。

子京。得九子丸。時王公已七十歲。服之。能御八十妾。生二十兒。騎馬獵。日行二百里。飲酒一斛。不醉。得壽二百歲。

武夷君者。昔有神人降於武夷山。自稱武夷君云。受上帝命。統地仙。授館於此山中。漢武帝嘗遣使築壇祀之。茅盈。字叔申。濛玄孫。弟固。字季偉。次弟衷。字思和。生于漢。

景帝中元五年。少乘異操。獨味清虛。年十八。遂棄家入恒山修道。餌木。後師王君。因西至龜山。得見王母。授以太極玄真之經。歸入恒山北谷。時年四十九也。盈父母尚存。父怒其久出遠遊。欲杖之。盈長跪曰。盈已受聖師符籙。常有天兵侍衛。大人杖盈。恐天兵相阻。盈罪愈加。

重也。父欲驗其言，故杖之，杖輒折成數十段，如弓矢之發。中壁則壁穿，中柱則柱陷。父母始知其道成，乃止。後二弟俱貴，衷為西河太守，固為武威太守，並之官。鄉里送者數百人。時盈亦在座，笑謂賓曰：「吾雖不作二千石，來年四月三日，送僕登仙，當亦不減于今日也。」眾皆不之許。時宣帝初元四年也。至期，門前數頃地，忽自平治，無寸草，皆施青縑帳，屋下盡鋪白氈，可容數百人。眾賓並集，大作宴會，香無使從，但見金盃王杯，自至筵前。美酒奇般異果，不可名狀。復有妓樂絲竹金石之音，滿耳。蘭麝之香，達數里外。少頃，迎官畢至，朱衣王帶者數百人，旌旗甲仗，光采耀日。盈乃與家人親友辭別，登車乘

雲冉冉而去。時二弟在官，聞盈飛昇，皆棄官還家求兄于東山。盈乃與相見曰：「悟何晚也！今年已俱老，難可補復，縱得真訣，但只可成地仙耳。於是教二弟延年不死之法，令長齋三年，授以上道，使存明堂玄真之氣。又各授九轉還丹一劑，神方一局，各佩服之後，亦成仙。居茅山，世稱三茅真君。」

屈處靜，漢祁陽人。楚白公之後，幼而悟道，絕迹人表。凡十二年，一旦駕鶴而去。

魯妙典，九疑山女冠也。遇麓林道士，授大洞黃庭經，入九

疑山十年，白日升天。

修羊公，魏人。華陰山石室中，有懸石榻，公卧其上，石盡穿

陷，公略不動。時取黃精食，漢景帝禮至之，使止王郎中。數歲道不可得，有詔問公何日發語，忽化為白石羊。白如王，題腸曰：「修羊公謝天子。」後置羊於通靈臺，尋復去。鮑叔陽廣審人，為趙王張耳之大夫。少好養生，服桂屑，與司馬季主俱往委羽山。師大玄仙女西靈子都，後尸解。司馬季主楚人，初賣卜長安市，後入委羽山，大有官。師西靈子都，得服霜散，藏景化形之道，顏轉如少女。鬚三尺，黑如漆。時携弟子范零子入常山石室，室傍有石匱，將出遊，令零子守之，戒勿開。零子思歸，竊發，具見其家，父母大小，乃悲逐季主，經數載，復令守一銅匱。入達戒所見如前，竟不得道。季主臨解，留梳席如其身。家人果葬之蜀山南

巫炎，字子都，非海人。漢武帝出遊渭橋，見子都頭上有紫氣，高丈餘，帝召問曰：「君年幾何？」炎曰：「臣今已一百三十八歲。」帝問有何道術，炎曰：「臣年二十五時，苦腰脊疼痛，脚冷，口中乾苦，舌燥涕出，百節四肢皆痛，足痺不能久立，得此道以來，已百十三年，有子三十六人，身體強健，氣力轉勝壯時。」帝曰：「可得言乎？」炎曰：「臣誠知此道為真，然男女之事，臣子之所難言，又行之皆逆人情，樂此者少，故不敢以聞。帝遂受法。炎年二百餘，白日昇天。武帝後循行其法，雖未能盡用之，然得壽勝于他帝遠矣。」  
朱璜，廣陵人。少病毒瘕，就睢山道士阮丘醫。丘憐之，曰：「卿若能除去腹中三尸，再得真人之藥，可度世也。」璜曰：「病

愈當為作傭二十年。不敢日還。丘與璜七物藥。日服九丸。百日。下如肝脾者數斗。養之數十日。肥健。心意日覺開朗。又與老君黃庭經。令讀。目三過。能會其意。丘遂與璜入浮陽山王女祠。八十年。白髮盡黑。鬚髮更長三尺。餘還家數年。復去。至武帝末猶在焉。

劉安漢高帝孫封淮南王。好儒術。方技。作內書二十一篇。又著鴻寶萬年二卷。論變化之道。有八公往詣之。門吏乃自以意難之。曰。王上欲得延年却疾不老之道。中欲得博物洽聞精義之儒。下欲得勇敢武力扛鼎暴死橫行之士。今先生老矣。應無註書之術。賁育之勇。三者並乏。不敢相通。公笑曰。聞王敬賢好士。吐握不倦。苟有一

介。莫不畢至。古人貴九九之學。養鳴吠之士。且市馬骨。致騏驥。吾才雖鄙。不合所求。就令見王無益。亦不為損。柰何限之。若王必欲見少年。則謂之有道。見垂白。則謂之無能。恐非發石取玉。探淵索珠之謂也。言畢。皆變為十五歲童子。露髻青髮。色如桃花。於是門吏驚悚。馳報王聞之。不及履。即跣足出迎。登思仙之臺。列錦綺之帷。設象牙之床。燔百和之香。進金王之几。穿弟子之履。北面拱手而言曰。安以凡才。少好道德。八公皆復成老人。曰。聞王好道。故來相從。但未知王何所欲耳。吾一人能坐致風雨。立起雲霧。畫地為江湖。撮土為山岳。一人能崩高塞淵。牧虎豹。致龍蛇。役神鬼。一人能分形易貌。坐

在立亡。隱蔽三軍。白日盡暝。一人能乘虛步空。赴海凌淵。出入無間。呼吸千里。一人能入火不焦。入水不濡。刀之不傷。射之不中。冬凍不寒。暑熱不汗。一人千變萬化。恣意所為。禽獸草木。立成轉徙。山川陵岳。一人能防灾度厄。辟邪却害。延年益壽。長生久視。一人能煎泥成金。煅鉛為銀。水煉八石。飛騰流珠。乘龍駕雲。浮游太清。惟王所欲。安乃叩拜。躬進酒果。請歷試之。皆驗。遂授丹經。及三十六水銀等方。藥成未服。而安有子名遷。好劍。郎中雷被。與遷試劍戲。而誤中遷。被懼。誅。上書告安謀反。尋伍被謀事亦露。天子使宗正持節治安。八公告安曰。可以去矣。此乃天所以遣王。願王勿疑。於是與安登山。

大祭埋金於地。白日昇天。八公與安所踐之石皆陷。至今有人馬之迹存焉。所弃置藥鼎。雞犬舐之。並得輕舉。雞鳴雲中。犬吠天上。一云。安得鴻寶萬年之術。故兵解仙去。位太極真人。八公附

尹澄字初默。後改名林。汾陽人。經行太山。見石上懸一青芝。夜望有光。採而服之。遂日行六七百里。又於峨眉山中。遇仙人宋君。授以三皇內文。九丹秘訣。澄脩之。大驗。遂能封山嶽。投符水中。水為逆流。又令洪濤頓息。暴死者。能令即活。治鬼怪。能使自縛來。年三百四十餘歲。漢昭帝元始元年。太微帝君遣仙官下迎。授為太微真人。

緜仙姑。長沙人。入衡山修道。年八十餘。孑然無侶。居傍南嶽。魏夫人仙壇。忽一青鳥飛來。自言我南岳夫人使也。以姑修道精苦。命我為伴。每有人遊山。青鳥必預言其姓名。一日曰。今夕有暴客至。姑無怖。果有群僧持火挺刃。欲害姑。姑在床上。僧不得見而出。俱為虎所殺。姑徙居湖南。鳥亦隨之。後隱九疑。莫知所終。

金申。潞城人。幼聰慧。復佯狂。遇異人。授以太陰煉形之術。嘗單衣跣足。卧冰雪中。能預知水旱災祥。壽既卒。堊百餘日。一夕雷霆大作。及旦視之。但見塚開數寸。惟留雙履。椶扇薄衾而已。

王真。上黨人。孝武帝時。為郡史。年百歲。面有光華。履水赴火。出入不由戶。廣有道術。後仙去。

李根。許昌人。宋趙買者。聞其父祖言。已見根。及買時。根年當八十四。而根年少。自若有得根素書。讀之。其自記云。漢元封中。學道於某甲。計之已七百餘矣。

蘇耽。郴人。事母至孝。嘗遇異人。授神仙術。日侍膳。母思鮓。即出市鮓。以獻。問所從來。曰便縣。母始異之。一日忽灑掃庭除。母問其故。曰仙道已成。上帝來召。母曰。汝仙去。吾誰養。乃留一櫃。云所需即有。又云。明年大疫。取庭前井水。橘葉救之。耽仙去。已而果疫。母日活百餘人。後耽化鶴來郡城東北樓。時有彈之者。乃以爪攫樓板。似漆。

書云。城郭是人民非。三百甲子一來歸。吾是蘇耽。彈我何為。

東方朔字曼倩。平原類次人。嘗出經年。兄曰。汝經年一歸。何以慰我。對曰。朔暫之紫泥。海有紫水。汚衣。乃過虞淵。湔洗朝發中。還何云。經年。漢武帝時。上書曰。臣朔少失父母。長養兄嫂。年十二學書。二冬文史。足用。十五學擊劍。十六學詩書。誦二十二萬言。十九學孫吳兵法。戰陣之具。鉦鼓之教。亦誦二十二萬言。又常服子路之言。臣朔年二十二。長九尺三寸。口若懸珠。齒若編貝。勇若孟賁。捷若慶忌。廉若鮑叔。信若尾生。若此。可以為天子臣矣。臣朔冒死再拜。以聞。朔文辭不遜。高自稱譽。上偉之。

令待詔公車。又遷待詔金馬門。常侍中。詔賜之食於前。食已。盡懷其餘肉。衣盡汗。數賜繅帛。擔揭而去。嘗用所賜錢帛。取少婦於長安中。好女。率取婦一歲所者。即棄去。更取。所賜物。盡填之。女子人皆笑之。朔曰。如朔所謂避世於朝廷間者也。時酒酣。據地歌曰。陸沉於俗。避世金馬門。官殿可以避世全身。何必深山之中。高廬之下。朔將死。謂同舍郎曰。天下人無能知朔者。惟大伍公耳。朔亡。後武帝得此語。召大伍公問之。答以不知。帝曰。公何所能。曰。頗善星曆。帝問諸星具在度否。曰。諸星皆在。獨不見歲星四十年。今復見耳。帝仰天嘆曰。東方朔在朕傍十八年。而不知為歲星。寧慘然不樂。



稷丘君者。泰山中道士。髮白。返黑。齒落更生。漢武帝時。以道術受賞。賜後辭去。上東巡泰山。君冠章甫。衣黃。永携琴來迎。武帝曰。陛下勿登山。恐傷足指。及數里。左月梁折。上諱之。但祠而還。詔為君立祠。復置百戶承奉之。

李少君。字雲翼。齊國臨菑人。好道。入泰山採藥。疾困。遇安期生。以神樓散一匕與服。即愈。漢武帝郊祀少君。以祠竈辟穀。却老。方見上。嘗從武安侯飲。坐中有九十餘老人。少君歷言與其大父游射處。一坐盡驚。上有故銅器。問少君。對曰。此器齊桓公十年陳於栢。寢已。而按其刻。

果齊桓公器。一宮盡駭。以為少君神。真數百歲人也。對上言。祀竈則致物。致物。丹砂可化為黃金。黃金成。以為飲食器。則益壽。益壽。而海中蓬萊仙者。乃可見。見之以封禪。則不死。黃帝是也。臣嘗遊海上。見安期生。食巨棗。大如瓜。於是帝始親祠竈。遣方士入海。求安期生之風。為少君建第宅以居之。一日武帝夢與少君登嵩山。逢繡衣使者。乘龍從空中下。云。太乙請少君。帝覺。語左右曰。如我夢。少君將舍我去矣。數日而少君病死。帝令發棺視之。唯衣冠在焉。

衛叔卿。中山人。服雲母。得仙。漢儀鳳二年八月壬辰。武帝閒居殿上。忽有一人乘雲車。駕白鹿。從天而下。年可三

十許。色如童子。羽衣星冠。帝乃驚問曰。為誰。荅曰。我中山衛叔卿也。帝曰。子若是中山人。是朕臣也。可前共語。叔卿本意。謁帝。謂帝好道。見之。必加優禮。而帝乃云。是朕臣。大失意。望默然不應。忽不知所在。帝甚悔恨。即遣使柏梁。求見其子。度世往華山尋之。至其巖。絕巖之下。望見其父。與數人博戲于石上。紫雲鬱鬱。白王為床。有數仙童執節立其後。度世問其父曰。同博者誰。叔卿曰。洪崖先生。許由。巢父。王子晉也。我有仙方。埋所居柱下。叱度世歸。掘之。得王函。封以飛仙之印。乃五色雲母也。度世服之。亦仙去。衛度世許由巢父附

王興。陽城人。居壺谷中。不知書。初無學道意。漢武帝上嵩

山。登大愚石。起道宮。使董仲舒。東方朔。齋潔伺神。至夜半。忽有仙人。長二丈。耳出頭顱。下至肩。漢武禮而問之。仙人曰。吾九疑之人。聞中嶽石上。莒蒲一丈九節。服之。長生。故來採耳。忽然失。仙人所在。帝顧侍臣曰。彼非學道服食者。必中嶽之神。以喻朕耳。因採莒蒲。服之。經三年。帝覺悶而止。時從官多服然。亦莫能持久。惟王興服之。不息。遂得長生。隣里老小。皆云。世世見之。

黃安。代郡人。年萬歲餘。貌若童子。常服殊砂。舉身皆赤。不着衣。坐一神龜。龜廣三尺。時人問安坐龜幾年。曰。三千歲。乃一出頭。我得龜以來。已五出頭矣。行則負龜。而趨世人。謂安年萬歲。漢武帝聞其異。乃與論虛無神仙之

事。帝每屈禮焉。及封泰山，詔董謁、李文、孟岐、郭瓊、黃安五人同輦。謂之五仙臣。帝崩後，卽去，不知所之。

車子候扶風人。漢武帝愛其清靜，累遷至侍中。一朝語家入云：我今補仙官。此春當去。至夏中，當暫還。少時果如其言。

郭瓊，東方郡人，形貌醜劣，而意度過人。杖杖遊行，每寄宿人家，輒乞薪自照，讀書不眠。主人有笥中秘書，織緯、緘、膝甚密，而瓊皆能知之。如悉覽，然莫不服其神異。聞瓊寄宿，則閉戶塞門，蓋恐知其家陰事。瓊每至人家，出袖中一把筭子，散置膝前，則人家隱事皆知。或晝卧，不閉目，行地無蹤，袒裼如狂。漢武帝見而異之。

太山老父者，莫知其姓名。漢武帝東巡狩，見老父鋤于道間，狀如五十許人，而面若童子。頭上白光，高數尺，恠而問之。老父荅曰：臣年八十五時，衰老垂死，頭白齒落。有道士教臣絕穀服木，飲水，并作神枕。枕中有三十二物，其二十四物，以象二十四氣。其八物，以應八風。臣遵行之，轉老爲少，髮白更黑，齒落復生。日行三百里。臣今年百八十矣。武帝愛其方，賜之金帛。老父後入岱山中，或十年五年一還鄉里，三百餘年，乃不復還也。

拳夫人，漢武帝妃。武帝巡狩過河，見青紫氣，自地屬天，望氣者以爲其下有奇女，必天子之祥，求之，見一女子在空棺中，姿貌殊絕，兩手俱拳。帝令開其手，數百人壁，莫

能開。上自披手，卽信。由是得幸，號爲拳夫人。進爲婕妤。居鈞弋宮。解黃帝素女之術，有寵。孕十四月，產昭帝。帝曰：堯十四月而生，鈞弋亦然。乃命其門曰：堯母門。

魯生女，長樂人。初，餌胡麻，漸絕火穀，凡十餘年。少壯色如桃花。一日與知故別入華山，後五十年，有識者逢生女，乘白鹿，從王母游焉。復還家，謝其親里，知故而去。

程偉妻者，漢黃門郎程偉之妻也。偉好黃白術，娶妻方氏，偉常從駕而無時衣。妻請致兩絹，絹無故至前。偉按枕中鴻寶，作金不成。妻卽因偉爐中水銀，出囊中藥少許投之，卽成金。偉大驚曰：道在汝處，而不早告我，何也？妻曰：得之須由命。偉乃日夜說誘之，賣田宅以供美食衣

服。終不肯告。偉乃與其侶謀，欲杖逼之。妻輒知之，曰：傳道必當得人。如其人，雖道路相遇，當傳之。如非其人，雖寸斷而支解，終不傳也。遂佯狂裸而走，以泥自塗，乃卒尸解去。

壽光候者，能劾百鬼衆魅。令自縛見形，有鄉人婦爲魅所迷，候爲治之。一大蛇長數丈，自死於門外。又有神樹，人止其下，輒死。烏度必墜，候往治之。樹盛夏枯落，有大蛇長七八丈，懸死樹上。漢武帝聞而召見，假試問之曰：吾殿下夜半後，常有數人，絳衣被髮，持火相呼，能治之乎？曰：此小怪易爾。帝僞使三人爲之，候設法，三人登時仆地，無氣。帝大驚曰：非魅也。朕相試耳。解之，卽甦。

史通平。漢新莽時。自會稽來蜀。詣峨嵋山。謁天皇真人。授以三一之法。及五符訣。遂居青神縣地。置茅廬。煉大丹。龍虎成形。餌之。復廣行陰德。功滿。白日飛昇。

馬明生。臨淄人名。和字君實。少為賊。傷殆死。得遇太真王。

夫人與藥一丸。服訖。即愈。乃自號為馬明生。隨夫人入

岱山石室。試以鬼怪。狼虎不懼。挑以美女。不動。夫人曰

可教矣。會安期生至。夫人以明生付之。作詩留別而去。

後得安期丹。經神方。入華山。修煉。漢靈帝時。太傅胡廣

訪以國事。皆驗。丹成。餌之。白日昇天。

丁義。瑞州人。以神方授吳真君。女秀英。亦成仙。今瑞州崇

元觀。有秀英煉丹之所。丹井。具存焉。秀英附

莊君平。福州有道人。嘗與一老叟同室。歲餘。告之曰。吾乃

漢莊君平也。取一書授之。天明。叟出不復歸。視其書。皆

修身度世之說。但記其書中有云。事業與功名。不直一

杯水。

蒯子訓。得神異之道。既到京師。公卿以下。候之者。坐上恒

數百人。皆為設酒脯。終日不置。後遁去。遂不知所之。初

去之日。唯見白雲。騰起數十處。後人於長安東霸城。見

之。與一老翁共摩挲銅人。相謂曰。適見鑄此而已。近五

百歲矣。見者呼之曰。蒯先生。少住。並行相應。視若遲徐。

而走馬不及。

焦先。字孝然。河東太陽人。無父母兄弟。年一百七十。常食

白石。日伐薪。施人。從村頭一家起。周而復始。人或為具

食。則食之。絕不與人語。若其門無人。則置薪于門間。便

去。及魏受禪。居河之涓。結草為菴。冬夏袒露。垢汚如泥。

數日一食。或忽老。忽少。太守董經往視之。亦不與語。魏

伐吳。或問其勝敗。孝然不荅。謬為歌曰。祝劬祝劬。非魚

非肉。更相追逐。本為殺牂羊。更殺殺羆。魏軍敗。人推其

歌。牂羊指吳。羆羆指魏也。後野火燒其菴。先危坐菴下。

不動。衣亦不焦。又更作菴。時天大雪。菴為壓倒。人往視

之。不見先所在。謂已凍死。乃折菴索之。見先熟卧于雪

下。顏色休休然。如醉卧之狀。後二百餘年。乃與人別去。

不知所適。魏書。自羲皇以來。一人而已。陸雲焦生頌。焦

生卜居在河之東。皓襟解帶。嘉卉結容。願神太素。淑思

玄冲。在彼黃堂。明道固窮。

唐公昉。漢城固人。王莽居攝二年。公昉為郡吏。忽遇真人。

授以藥。拔宅仙去。或云。李八百居寒泉山。公昉師事之。

靈壽光。扶風人。年七十餘。得朱英丸方。合而服之。轉更少

壯。年如二十時。漢獻帝建安元年。光已二百二十歲。常

寄寓江陵胡田家。無疾而卒。田為殯埋之。百餘日。人復


遇於小黃。附書與田。田得書。發棺視之。釘亦不脫。唯履

在棺內。

南陽公主下嬪王咸。綏和間。王莽秉政。謂咸曰。國危世亂。

但當退而修身。咸不能從。公主遂如華山。結廬精思。丹道歲餘。乘雲冉冉而去。咸追之。昇層嶺。漠然無迹。嶺上見遺朱履一雙。取之。已化為石。後人名其峯曰公主峯。陰長生新野人。漢和帝陰后之曾祖也。不慕榮位。潛心好道。聞馬明生得度世法。遂入諸名山求之。至南陽太和山中。得見明生。師事之。明生不教以度世之道。但旦夕與談當世事。十餘年。長生不少怠。時共事明生者十二人。皆怨恚而去。獨長生禮敬彌篤。積二十年。明生始問其所欲。長生跪曰。乞生爾明生哀其語而告之曰。子真求道者也。始將長生入青城山。煮黃土為金以示之。即日授以太清金液神丹。乃別去。於是長生入武當山石室中。合丹。先服半劑。未即昇天。乃大作黃金數萬斤。以施天下窮乏。施盡。再服丹半劑。白日昇天。

丁令威





丁令威

丁令威


李八百


























古丈夫



毛女





黄石公

列仙全傳卷之二  
黄石公


十一

現屏軒





控鶴仙人



列仙全傳卷之三


茅濛

十三


現屏軒

簫史

























司馬季主






猴仙姑



金申









稷丘君










死作生作未老

郭瓊

三

現成車





焦先



